



Inatsisartunut ilaasortaq Knud Fleischer, Kattuseqatigiit Partiiat
Inatsisartut
/MAANI

**Piniagassat, akuersissummut akiliuteqartarneq aamma angallatitoqqanik isateris-
arnermut tapiissuteqartarneq pillugit Naalakkesuisunut § 37 aqutugalugu
apeqqut nr. 2011-56-imut akissut**

07. marts 2011
Sagsnr. 2011-046617
Dok. Nr. 579448

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl www.n-
anoq.gl

Inatsisartut suleriaasianni § 37, imm. 1 naapertorlugu piniagassanut, akuersissummut akiliuteqartarnermut piginnaatitsissutit pillugit kiisalu angallatit nutaannngitsut isaterneqartarnerinnut tapiissutit atorunnaarsinneqarnissaat pillugu apeqquteqarputit. Apeqqut uannut akisassanngorlugu innersuunneqarpoq.

Apeqqutit:

1. Piniagassanut tunngatillugu akuersissutinik tunniussisarneq kommuninut tunniunneqarnissaa Naalakkersuisut sulissutigissamaarpat?
- 2: Qaleralinniarnissamut saarullinniarnissamullu akuersissummut akiliutigineqartartup appartinneqarsinnaanera Naalakkersuisut qanoq isumaqarfigivaat?
- 3: Angallatitoqqat atorunnaarsinneqarnissaat pillugu malittarisassat sukangavallaarunnaarsinniartugit Naalakkersuisut suliniuteqassamaarpat?

Akissutit:

1 pillugu: Piniagassanut tunngatillugu nunap immikkoortuini pisassanik agguaassisarneq pillugu apeqqummut akissutigissavara, tamanna kommuninit ingerlanneqareemat. 2009-mi § 36 aqutugalugu apeqqutaareersimasumut (nr. 2009-121) atatillugu qilalukkanut qaqqortanut qernertanullu tunngatillugu tamanna ersarinnerusumik nassuiarpara. Nunami tamarmi pisassiissutinik agguaassisarneq aamma ingerlatsiveqarfiusunut pisassiissutinik agguaassisarneq pineqartillugit piniarnerup iluani pisassiissuteqartarnernut allanut pisassiissuteqartarneq assigivaa. 2009-mi apeqqummut pineqartumut akissut ilanngussatut ilannguppara.

2 pillugu: Sinerissamut qanittumi aalisarnissamut akuersissutip tunniunneqarnerani akiliuteqartarnerup appartinneqarnissaa pillugu apeqqummi paasissutissiissutigissavara, akiliutip taassuma appartinneqarnissaa imaluunniit atorunnaarsinneqarnissaa pillugu Naalakkersuisut maannakkorpiaq pilersaaruteqanngimmata. Atuisut akiliuteqartarneqartarnerisa eqqunneqarnerannut tunngavigineqarpoq, 2010-mi aalisarnermik nakkutilliinerulernermut atatillugu ingerlatsinermut aningaasartuutit ilaannik inuussutissarsiu-teqartut nammaqataasarnissaannik kissaateqarneq. Atuisut akiliutigisartagaasa annerpaartaat, avataasiorluni aalisarnissamut pisassiissutit tunniunneqarneranni tonsimut 60 kr.-nik akiliuteqarnermi akilerneqartarput. Akuersissummut akiliutigineqartartoq 1.500 kr.-usoq atuutsinneqalerpoq, aalisarnerup iluani nakkutilliisarnernut sineriammut qanittumi aalisartut tapiissuteqarlutik akitsuut taanna nammassinnaassagaat nalilerneqarmat.

3 pillugu: Isaterinermut tapiissuteqartarnermut ataatsimiititaliap qanittukut apeqqut sammissavaat, immaqalu inatsimmut allannguutissatut siunnersuuteqassallutik. Inatsit allanngortinneqassappat, allannguutissatut siunnersuut UKA 2011-mi siusinnerpaamik suliarineqarsinnaavoq. Taamaalilluni inatsisip allannguutigisinnaasaa siusinnerpaamik 2012-imi januaari aallaqqaataani atuutilersinnaavoq.

Inussiarnersumik inuulluaqqusillunga

Ane Hansen

Ilanngussaq: Hans Enoksenimit § 36 aqqutigalugu apeqqu nr. 2009-121.